



Inatsisartuni ilaasortamut
Asii Chemnitz Narup
Inuit Ataqtigiit

14-03-2023
Suliap normua 2023 – 2441
Allakkiap normua 22568101

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66 66
E-mail: iian@nanoq.gl
www.naalakkersuisut.gl

Suliassat meeqqanut tunngassuteqartut amerlassusaat aammalu isumaginninnermi siunnersortit amerlassusaat pillugit § 37 naapertorlugu apeqquteqaammut 29-2023-mut akissut

Asasara Asii Chemnitz Narup.

Apeqqutinut qujanaq. Apeqqutit tullinnguuttut ataasiakkaarlugit uteqqinneqarput, akissutinik tullegarlutik.

1. Kommunit agguataarlugit, ukiuni tallimani kingullerni, inunnik isumaginninnermik siunnersortimit/suliamik ingerlatsisumit ataatsimit suliassat meeqqanut tunngasut qanoq amerlatigisut sularineqartarpat?

Akissut:

Kommunit tallimaasut apeqqutigineqartunik akissuteqaqqullugit Naalakkersuisoqarfimmit qinnuigineqarsimapput. Avannaata Kommunia aamma Kommune Qeqertalik akissuteqarput, kommunilli sinneri pingasuusut akissuteqaratik.

Avannaata Kommunia

Kommunit ilisimatitsissutigaa meeqqanut tunngatillugu suliassat 2021 sioqqullugu pisimasut amerlassusaat nalorninartoqartut. Meeqqanik sullissisarnerit qarasaasiaq atorneqarluni ingerlanneqartalernissaasa piareersarnerini meeqqanut tunngatillugu suliassat amerlassusaat tutsuiginarnerusut saqqummersimapput.

Qarasaasiamik atuinerulernissaq sioqqutillaarlugu kisitsisit makku kommunit saqqummiunneqarput:

Tabel 1

Ilulissat	Uummannaq	Upernavik	Qaanaaq
272	110	203	74

2021-mi qarasaasiamik atuinerulernissamik piareersarnermi kisitsisit makku kommunimut ilisimatitsissutigineqarsimapput:

Tabel 2

Ilulissat	Uummannaq	Upernavik	Qaanaaq
-----------	-----------	-----------	---------



293	148	226	105
-----	-----	-----	-----

Kommune Qeqertalik

Ukiuni tallimani kisitsisinik tamakkiisunik kommuni pissarsisinnaasimangilaq.

Kommunimit makku ilisimatitsissutigineqarput:

Tabel 3

	Juli 2021-mi	Februar 2022-mi	Jjanuar 2023-mi
Meeqqanut inuusuttunullu suliat	447	404	354
Meeqqanik inuusuttunillu sullissisut	10	10	10

Kommunip ilisimatitsissutigaa sulianik suliarinnittartut tabel 3-mi saqqummersinneqartut tassaasut sulianik suliarinnittartut atorfii amerlassusaat taamaattumillu ukiut ingerlanerini atorfii inuttaqanngittarneri sivisuumillu napparsimasarnerit sillimaffigineqarsimangitsut.

Kommune Qeqertalimmi meeqqanik inuusuttunillu siunnersuisarnerit eqqarsaatigalugit sulianik suliarinnittartut ilinniarsimasut marluk ullumikkut atorfeqartinneqarput. § 37 naapertorlugu apeqquummut nr. 021-2023-mut akissut innersuussutigineqarpoq.

2. Kommuninut agguataarlugit, ukiuni tallimani kingullerni, ilaqutariinnut/meeqqanut tunngasunik isumaginninnermut siunnersortit amerlassusaat qanoq ineriartorsimava?

Akissut:

§ 37 naapertorlugu apeqquummut nr. 021-2023-mut akissut innersuussutigineqarpoq.

3. Isumaginninnermut siunnersortimit/suliamik ingerlatsisumit ataatsimit suliassat meeqqanut tunngasut suliarineqartartut amerlassusaat Naalakkersuisut qanoq nalilerpaat – amerlavallaarpaat?

Akissut:

Avannaata Kommuniani aamma Kommune Qeqertalimmi meeqqanut inuusuttunullu tunngatillugu suliat amerlasoorujussuupput.

Meeqqat inuusuttullu suliarineqartartut suliassartaasa amerlassusaat pillugit nalunaarusiamut 2017-imeersumut meeqqanut tunngatillugu suliassat sanilliukkaani kisitsisit suli amerlavallaartut oqaatigisariaqarput, ikilisarneqarnissaallu annertuumik pisariaqartinneqarluni.

4. Assigiissumik naammaginatummillu nunatsinni tamarmi meeqqanut ilaqutariinnullu sullissineq qulakkeerneqassappat, Isumaginninnermut siunnersortit qanoq amerlatigisut, kommuninut agguataarlugit, atorfissaqartinneqassasut Naalakkersuisut qanoq nalilerpaat?

Akissut:

Meeqqanut tunngatillugu suliassat qarasaasiaq atorlugu kommunini tamani 2022-2023 suliarinnittalernissaani meeqqat pillugit inatsit naapertorlugu suliassanik suliarinneriaatsit assigiissarlugit ingerlatseriaaseqalernissaq qulakkeerneqarpoq.



Qarasaasiaq atorlugu suliarinnittalernikkut sulianik suliarinnittarnerit pitsanngortinnissaat periarfissaqarnerulissaaq, ilaatigut sulianik suliarinnittartut isumaginninnermik suliaqarnermik tunuliaqutaqarsimangikkaangata.

Meeqqanut inuusuttunullu tunngatillugu kommunini suliassanik suliarinnittarnissat qulakkeerniarlugit isumaginninnikkut siunnersortinik qanoq amerlatigisunik amigaateqartoqarneranik naliliinissamat naatsorsukkanik tunngavissaqangilaq.

5. Ukiuni tallimani kingullerni, kommuninut agguataarlugit, suliassat meeqqanut tunngasut qanoq amerlatigippat?

Akissut:

Ukiuni kingullerni tallimani ineriartorerup qanoq ingerlasimanerinek takussusiisinaasunik paasissutissanik Naalakkersuisoqarfik kommuninut tigusaqarnikuunngilaq.

Kalaallit Nunaanni meeqqanut inuusuttunullu atugarliortunut pitsaanerusemik suliniuteqarnissamat Kalaallit danskillu suliassaqarfiit assigiinngitsut aqputigalugit suliaqartut killiffiit pillugit nalunaarussiaat innersuussutigineqarput. (Status på målopfylgning og implementering Statusrapport forår 2022).

a) Ukiuni tallimani kingullerni, qanoq 'kisitsisit taartut' (=kisitsisit ilisimaneqanngitsut, eqqoriarneqartartulli) kommuninut agguataarlugit nalilerneqarpat?

Akissut:

Meeqqanut suliassanut tunngatillugu suliarinnittarnerit kommunini tamani qarasaasiaq atorlugu suliarineqartanngikkallarmata kommunit suliassanik suliarinnittarnerat drev-it pappiaqqalluunniit atorlugit paasissutisseeqatigiittarnertut ingerlanneqartarsimapput. Kisitsisit taartut nalileruminaapput taamaattorli suliassanik suliarinnittarnermi qarasaasianik atuinerulernerup malitsigisaanik kisitsisit taartut annikillisinneqassapput.

Naggasiullugu oqaatigineqassaaq meeqqanut suliassat eqqarsaatigalugit paasissutissanik pissarsiniartarnerit pitsanngoriaateqangaatsiartussaammata. Qarasaasianik atuinerulernerit aatsaat ungasissorsuunngitsumi pipput taamaattumillu paasissutissat suli pissarsiarineqarsinnaannatik.

Inussiarnersumik inuulluaqqusillunga

Mimi Karlsen